

۱۱ جمادی الاولی سنہ ۱۳۳۳

جمعہ اترتسی

۱۴ مارٹ سنہ ۱۳۳۰

DJÉRID I SOUFIE

Fonde en 1090

Organe Turc Fanislamlqne

Directeur Proprietaire

HASAN KIAZIM

No. 108, le 9 (22 Février 1915

Adresse. Avenue de la S. Porte

Rue Eb ussonoud

جريدة الصوفية

شمديك اون بش كونده برنشر اولئور

صاحب امتياز ومدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آيچقدر درج ايدليان اوراق اعاده ايدلر

استانبولده باب عالي جوارنده ابوالسعود جاده سنده
نجم استقبال مطبعه سنده اداره خانه من اصحاب
مراجعه هر ساعت آيچقدر

سنه لك اعتباريله ممالك شاهانه ايجون پشين
اوله رق ۴۰ التي المني ۲۵ غروش و ممالك

اجنيه ايجون ۱۲ فرانقدر .

تلفون نومروسي : ۱۰۹۷

نسخه سي ۴ پاره در

تصوفي ، ديني ، اخلاقي ادبي ، سياسي جريده اسلاميه در

نومرو ۱۰۶

بویونه طوق ایلشک عشقنک زنجیری
 سویله ارسلانم مدد قیل مولویردنمیسک
 قالمش ملک جهانہ تفریک بیلیم نهدن
 هانکی حالتدر سنی بو رتبه تبرید ایتدیرن
 اشتکا ایتمیسک بو حاله باعث کیمسه دن
 بویونه طوق ایلشک عشقنک زنجیری
 سویله ارسلانم مدد قیل مولویردنمیسک
 غل وغشیدن قلبک اولش بر مجلا آینه
 قالمش بودونبودنن بوچرخک امنیه
 محض نور اولمشک اما بیلیم بیلیم نیه
 بویونه طوق ایلشک عشقنک زنجیری
 سویله ارسلانم مدد قیل مولویردنمیسک
 ایتمیورسک هیچ تکایو بویله استغنا نهدن
 یوقی یوقسه هیچ امیدک فرد واحد کیمسه دن
 کیم بو حاله باعث اولدی سویله اسبابی نهدن
 بویونه طوق ایلشک عشقنک زنجیری
 سویله ارسلانم مدد قیل مولویردنمیسک
 خادم طریقت جلیله مولویه
 عبدالحلیم چلبی

منظومه

طی مکانله حربه کیدنلر کولکوسی
 غیب عسکریله جنکه کیدنلر کولکلو
 حضری رفیق و رهبر ایدنلر کولکوسی
 ارلر قومانداسنده ارلر کولکوسی
 تاکه اکورندی موکب حیش ظفر شعار
 کیملر دیدم بو شیر فکن چند ذی وقار
 هاتف دیدی بو زمره مسعود و بختیار
 ارلر قومانداسنده ارلر کولکوسی
 شمس علم اولنجه ضیا بخش التماع
 توفیق حقه ال اچهرق ایندیلر سماع
 بر مرزد نمره زن دیدی بو کتله شجاع
 ارلر قومانداسنده ارلر کولکوسی
 تنوره سیله چرخه زن پیش کازرار
 فخریه وایه دار مباحات بیشمار
 باق باق شو شانلی جانی کلن حیش نامدار
 ارلر قومانداسنده ارلر کولکوسی
 اولسون الهی خیر قدومیه جلوه کر
 عثمانی اردوگاهنه وعد ایتدیکک ظفر
 اولدی جنود غیک ایله ره و سفر
 ارلر قومانداسنده ارلر کولکوسی

ارلر ایچنده حضرت خنکار ایچنده در
 ارلر ایچنده عمده اخیار ایچنده در
 البته سیف صارم قهار ایچنده در
 ارلر قومانداسنده ارلر کولکوسی

سلانیک والی سابق

محمد ناظم

شهید

شهید — مزاحم وصلت دیداره کوکس کره ندر .
 شهید — مطلوبه واران یوللرک الک صعب المرورنندن کچندر .
 شهید — ایشار جان . فقط درج احسان جانان ایلاندر .
 شهید — طیلسانله دکل طی لسان، صح وجدان ایله منزل وحدته
 واراندر .
 شهید — هر دائم تجلی ایدن حقیقت مطلقه اوکنده دروتی فدا،
 آماللی هبا ایلاندر .
 شهید — موجودیت نفسی و مادیسی اوزرینه بر سریر سہامسیر
 محویت قوراندر .
 شهید — مجموعه حیاتک دست محبوب ایله یازلش صحیفه صفا
 آوری زهنیه دکل قانیله او قویاندر .
 شهید — منظومه ایمانک مجسم بر بندلعلکونی، بر مثال پر خونیدر .
 شهید — آتی ینمز لکن قانی طاهر بر وجود مطییدر .
 شهید — مرات مشهود حقه دم عزیمیه یورویوب باقاندر .
 قلعه سلطانیله

علی طیار

فتوحات اسلامیہ

فتح مصر

مصر قطعه سی ظهور دین اسلامده قیصر روم هرراقیوسک زیر
 حکمنده ومقوفس دیمکه معروف جریح بن میناهی نامنده بر والینک
 یداداره سنده ایدی . دهاته اصحابدن عمر وبن العاص رضی الله عنه
 مقدما مصره کلوب کوردیکندن امیر المؤمنین عمر بن الخطاب رضی الله
 عنہ تشویق ایتمسینه بناء قدس شریفک عقیب فتحنده درت بیک
 مجاهد ترفیقیه فتحنه مأمور ایدلدی .

او صروده مصرک قبطی دنیلان یرلی اہالیسی ایله مصر وشام
 یعقوبیلری آراستنده مسائل مذہبیہ دن طولانی عظیم اختلاف اولسندن
 وروم حکومتک مظلاندن طولانی قبطی ویهودیلر حکومت مزبورہ دن
 یزار اولدقلرندن مسلمانلرک سوریه دهکی فتوحاتنده نمایان اولان
 اجرا آت عادلانه لرینہ وخصوصیله سربستی ادیانہ رعایتلرینہ غبطہ
 ایدر وکندولرینک بویولده نعمت حریتہ مظهریتلرینی تمی ایلر
 ایدیلر . بناء علی ذلک عمرو بن العاصک یولده تصادف ایتدیکی قبائل